



DEO OPTIMO MAX.  
UNI ET TRINO,

VIRGINI DEIPARÆ, ET S. LUCÆ  
Orthodoxorum Medicorum Patrono.

## QUÆSTIO MEDICA.

QUODLIBETARIIS DISPUTATIONIBUS,  
*manè discutienda in Scholis Medicorum die Martis decimâ-  
quartâ Februarii M. DCC. XLI.*

M. LEANDRO PEAGET,  
Doctore Medico, Præsîde.

*An Sanguis in Fœtu à dextrâ in sinistram Cordis Auriculam per foramen ovale  
transseat, non secus?*

### I.



ÆTUS utero materno clausus, undis instar piscis innatat undique obvolutus. Ad ultimam lumbarem vertebra bifida aorta hinc & inde iliacam arteriam producit, mox trunci divisione & externum & internum ramum offerentem; ab interno duæ originem ducunt arteriæ, umbilicales audiunt, quibus ad umbilicum expositis comites se præbent & umbilicalis vena, & ligamentofus urachus cavitate destitutus à fundo vesicæ assurgens: sed & ista hæc substantiâ subcartilaginosa ad tutelam obiecta sub speciem funiculi per longi-

rudinem quatuor circiter pedum extenduntur, donè tandem evanescente tùm uracho, arteriæ & vena infinitis propè ramificationibus, repetitis anastomosisbus placentiam efforment, quæ valis quali totidem radicibus ad uteri fundum emissis, ipsi adhærret, & veram communionem humorum tùm fœtus, tùm matris lege circuli actorum sustentat. Ex omni ipsius limbo duæ oriuntur membrane interna Amnios, externa Chorion quibus obtegitur Fœtus. Verùm & ad ipsius partium evolutionem & nutritionem necessaria erat continua novi succi accessio, continuus ab hoc opere residui, aut minùs idonei depulsus: duplici huicce muneri nuncupata jam instrumenta provident; arteriæ umbilicales commissum sibi sanguinem, à fœtu ad placentiam vehunt; ibi variis circuitibus, materni sanguinis, & lactei humoris admixtione mutatus, ad nutrimentum aptior factus, fœtui per venam umbilicalem arteriarum motu perpetuò acceleratus, redditur. Ad sinum venæ portarum appellens, canali venoso, pro majori parte, recta ad cavam ducitur, undè breviori itinere ad dextram cordis auriculam accedit.

## II.

**A**URICULÆ duæ cordis juxtà se se invicem applicatæ, & ope septi medi in duos sacculos distinctæ: hujus tùm membranarum, tùm quibus donatur fibrarum carnearum separatione, nascitur in fœtu, secùs ac in adulto, foramen apud Anatomicistas ovale dictum. A semicircumferentiâ inferiori exurgit membrana arcuata, quæ ita disponitur ut bazi intrâ dextram, apices verò sursum intra sinistram cernantur auriculam: liber tamen ab utràque in utramque aditus. Notandum insuper quòd arteria pulmonalis quæ in adulto homine in duos tantùm scinditur ramos ad singulum quemque pulmonem emissos, tertium adhuc cæteris capaciorem in fœtu producat, qui obliquo descensu in aortam infra ipsius cutxaturam sanguinem eruat. Jam verò examinandum venit nùm à dextrâ cordis auriculâ in sinistram, nùm potiùs à sinistrâ in dextram sanguis protrudatur. Unanimis fuerat. vox. Anatomicistarum cum Harveo & Louvero, sanguinem ex utràque cavâ ad auriculam dextram appellentem, partim per arteriam pulmonalem & intrâ pulmones, & ope canalis arteriosi in aortam, partim in sinistram mediante ovali foramine propelli. Verùm Dominus Meri à communi secedens opinione rem inverso ordine peragî, à sinistrâ nempe in dextram auriculam sanguinem impelli proposuit. Opinionem firmabant, diameter major pulmonalis arteriæ quàm aortæ: situs ostii venæ unius pulmonalis in directâ lineâ antè foramen, cavæ verò in obliquâ: vis major sanguinis auriculæ sinistræ, validiorem motum ex parte mitralium valvularum a validiori venticula sinistro propulsarum, subeuntis: nunquàm coalitutum foramen, ni uti excogitabat, sic res ordinaretur. Inter utramque opinionem hæres anxius, ast brevi prioris defensor cum Harveo dimicabis, modò ad sequentia attendas.

## III.

**S**I quis Physicus veritatis scrutator & amator latentem partis usum detegere in animo habeat, media & instrumenta quibus inter operandum utatur natura, finem quem sibi proponere videatur attento oculo consideret, laboris præmium incogniti notitia, veri assequutio, naturæ mysteriorum jucunda revelatio. Quis hæc methodo in nostræ quæstionis disquisitione procedens inficias iverit sanguinem in fœtu à dextrâ cordis auriculâ in sinistram protrudi? Dextram etenim capaciorem ipsius auriculam, sinistrâ longè robustiorem esse, evincunt nume-

rosiores fibræ: potentioribus ex majori mole, ex majori velocitate petitis viribus, numquid ne sanguis contra luctantem vincere debet, obicem supetare, aditum sibi patefacere? Quin & ipsamet natura nodum solvit: revocetis in memoriam quæcumque, jam descripta, aliâ lege quàm in adulto sanguinem ferrens motu circulari deferri. evincunt. Perpendatis cui beneficio tales differentie, cui patri & quomodo consulant, & fateri cogimini aur à nobis genuinum foraminis ovalis usum assignari, aut naturam sibi contradicentem sinistra diruere manu quod dextra edificaverat.

## I V.

**P**ULMONEM factus collapsum neminem latet: ætris inspiratione nondum recreato, cellule pulmonales apparent supra se se invicem aggestæ, superficium adjunctione solidum corpus mentientes, liquoribus trajiciendum iter difficillimum præstituræ. Qui sanguis ex corpore redux totus quantus pulmones pervadens, ror obicibus prævalere potuisset? Benè providus conditor medium subministravit, sanguinem nempe à pulmone pro majori parte diducendo, & rectâ per canalem arteriosum ad aortam propellendo: in eo magis adorandus quod simplicissimis instrumentis mirabiliores effectus producat, & unicâ eademque viâ diversis duobus operis sui commodis providerit; scilicet in fœtu ulterius propellendus erat sanguis per vasculosum placente corpus: multiplicatæ resistentiæ augescerant virium exigebant, actiones amborum cordis thalamorum ope canalis arteriosi adunavit, undè vis exurgebat fortior, par vincendis obicibus. Quis & eidem muneri destinatum non agnoscat ovale foramen? Pertimescendum erat ne sanguine obrueretur pulmo, ipsi novæ panduntur portæ, pulmo levatur, metus evanescit. Sed ut veritas clariùs elucescat demus sanguinem à sinistra in dextram auriculam accedere: undenam sanguis ille? redux à pulmonibus. Sed cum minori copiâ in iis protrudatur, lentissimè ob resistentias moveatur, paucissimè ergo ad sinistram appellet auriculam; jam quero num æquilibrari, nam superare possit è contrariò jugiter & assatim in dextram affluentem? Quis si bonâ fide impotentiam non concedat. Unus est inter veri characteres ut dum ipsum adumbrare renramus, unumquodque argumentum sexcenta iterum quasi procreet. Attendas velim ad debiliorem quæ ad auriculam sinistram è pulmonibus accedit sanguinis copiam; nonne & necessaria erat alterius permixtio sine quo conservari nunquàm potuisset ea cavitatis ipsius ampliatio quæ postea in adulto requirebatur? Undè ipsius accessio, nisi à dextrâ per ovale foramen? Ne vel in rebus anatomicis rudiorum fugit quod in fœtu tantùm, proportionem servat, quantùm in adulto sanguinis protrudatur per aortam superiorem; jam jam monstravi quod vires duorum ventriculorum cordis consociari amabant ad sanguinis peregrinationem ulteriorem usque ad placente ramulum: cum igitur minor adit humoris copia à sinistris quàm quæ tam grandioribus ritè exequendis muneribus requireretur, quis diffunditur alium ovali foramine à dextris adjungi, undè quod necessum superioribus impertiatur, thalamorum vires adjuvant.

## V.

**Q**UAMQUAM nostræ assertionis veritas ex suprâ dictis clarè satis patefcat, profligandæ tamen vel levioris dubitationis causâ, pauca adjungam quibus ingeniosi Domini Meri momentorum infirmitas evidentior evadat, mens certius ab errore præcaveatur. Diameter arteriæ pulmonalis major quàm aortæ, fate-

mur : numquid idcirco dilatatio ipsius refundenda in sanguinem appulsum ab auriculâ sinistrâ ? Nequaquam ; finge canalem qui potis sit dilatari : ad unum ex extremis appone resistentiam , impelle liquidum , sanè plus extendetur canalis quàm si resistentia tolleretur : idem de arteriâ pulmonali ; difficulter peragrat iter sanguis , obicem experitur , vas continens plus aequò distenditur ; tollitur obex , minorem tunc diametrum exhibet , majori etsi liquidi copiâ donatum. Una ex pulmonicis venis in sinistrâ cordis auriculâ directè propè foramen sanguinem eructat , ergò superat obliquè in dextrâ descendentem , ergò dextram subit , nullatenus : nil virium ex directione acquirit , non emittitur in alterutrâ auricularum purpureus liquor , sed appellit , sed ad terminum mortis occidit. Sinister cordis thalamus robustior , vividius impingit in mitrales valvulas , acceptum motum contiguae humori impertiuntur auriculæ , ergò & ipsi excessu virium in antagonistam victoria : verùm valvulæ tendinosæ funibus ex parte thalamorum annectuntur quibus quasi habentis moderantur , & in quos tota ventriculorum cordis actio exercetur repellens. Quâ ratione , aîs , obtegatur foramen : factâ inspiratione liberior circuitus per pulmones evadit , expeditam resectâ calcans viam sanguis obliquam deserit , obturatur arteriosus canalis ; eâ quâ repleatur liquidi copiâ gaudens auricula sinistra , vim & actionem alterius sustinendæ par est , secum invicem æquilibrantur : crescentibus interdum membranae cruribus juxta foraminis parietes elewantur , ipsis applicantur , evanescit foramen. Ex his omnibus concludere mihi liceat.

*Ergò Sanguis in Factu à dextrâ Cordis auriculâ in sinistram per ovale foramen transit , non secus.*

#### DOMINI DOCTORES DISPUTATURI.

- |   |                                 |  |
|---|---------------------------------|--|
| M. Adrianus Malaval ,<br>Consiliarius Medicus Regis ordi-<br>narius in ejus Castellæ , &<br>Rei Herbariæ Professor de-<br>signatus. | M. Franciscus-Felicitas Cochu.  | M. Andreas - Iosephus Seron.   |
| M. Jacobus - Albertus Hazon.  | M. Ludovicus-Florentius Bellor. | M. Thomas - Renatus Gasnier.   |
| M. Claudius-Carolus De Jean.  | M. Ioannes De Dieß.             | M. Philippus Davier De Bre-<br>ville , Doctaria Hispaniarum<br>Reginae Medicus perpetuò<br>ordinarius , & Chirurgiæ<br>Professor designatus. |

Proponebat Parisiis JULIANUS BUSSON , Dinannæus , &  
Dioecesi Macloviensi , Baccalaureus Medicus , A. R. S. H. 1741 ,  
à sextâ ad meridiem.